

**Հարցաշար**  
**Առարկայական օլիմպիադայի «Հայոց Եկեղեցու**  
**պատմություն» առարկայի**  
**մարզային փուլ**  
**11-12-րդ դասարաններ (120 րոպե)**

*№ 1-8*

*Ընտրովի պատասխանով առաջադրանքներ*

**1. Հայ ազատագրական շարժման նշանավոր գործիչ Վարդան վարդապետը (Հեսու Վարդապետ) ո՞ր վանքի վանահայրն էր.**

- 1) Ֆոնուզի Սուրբ Կարապետի *(0,5 միավոր)*
- 2) Դերիկի վանքի
- 3) Վարագավանքի
- 4) Մշո Սուրբ Կարապետի

**2. Ե՞րբ է Աստվածաշունչն առաջին անգամ տպագրվել հայերեն.**

- 1) 1512 թ. *(0,5 միավոր)*
- 2) 1666 թ.
- 3) 1567 թ.
- 4) 1638 թ.

**3. Ո՞վ է Սարգիս գորավարի աճյունից մասունք ամփոփել Կարբիում.**

- 1) Ս. Մեսրոպ Մաշտոցը *(0,5 միավոր)*
- 2) Ս. Սահակ Պարթևը
- 3) Ս. Գրիգոր Լուսավորիչը
- 4) Ս. Ներսես Պարթևը

**4. Ե՞րբ է Ս. Հովհան Օձնեցու նախաձեռնությամբ եկեղեցական ժողով գումարվել Դվինում.**

- 1) 719 թ. *(0,5 միավոր)*
- 2) 722 թ.
- 3) 729 թ.
- 4) 709 թ.

**5. Ո՞վ էր Պահլավունիների տոհմից հայոց վերջին կաթողիկոսը.**

- 1) Գրիգոր Ապիրատ *(0,5 միավոր)*
- 2) Գրիգոր Վկայասեր
- 3) Ներսես Շնորհալի
- 4) Գրիգոր Տղա

6. Ո՞ր ուսմունքի համաձայն «մարդը կամքի ազատություն չունի».

- 1) հեղոնիզմ
- 2) ինդետերմինիզմ
- 3) էվրոնիզմ
- 4) դետերմինիզմ

(0,5 միավոր)

7. Ե՞րբ է ավարտվել հայոց Պատարագամատույցի կազմավորումը.

- 1) XVI դարում
- 2) XIV դարում
- 3) XVIII դարում
- 4) XVII դարում

(0,5 միավոր)

8. Ո՞վ է գրել. «Չկա ոչինչ, որ կարելի չլինի բացատրել, և չկա ոչինչ, որ անմատչելի լինի բանականությանը».

- 1) Անանիա Շիրակացին
- 3) Եզնիկ Կողբացին
- 2) Դավիթ Անհաղթը
- 4) Գրիգոր Տաթևացին

(0,5 միավոր)

#### № 9-12

#### Կառուցված պատասխանով առաջադրանքներ

9. Ամենայն Հայոց կաթողիկոս Նահապետ Ա Եդեսացու օրոք են կառուցվել Վաղարշապատի \_\_\_\_\_ եկեղեցին, Երևանի Կոնդի և Քանաքեռի եկեղեցիները:

(1 միավոր)

10. 630 թ. Մուհամմադին հայատակվեց նաև իր հայրենի քաղաք Մեքքան, որտեղ նա կուռքերից մաքրեց գլխավոր սրբավայրը` \_\_\_\_\_ ն:

(1 միավոր)

11. «Վեհամոր Ավետարանը» հայերեն ամբողջական ձեռագիր հնագույն Ավետարանն է, թվագրվում է VII դարով և երկար ժամանակ պահվել է Գանձակի շրջանի ----- գյուղում, այնուհետև Գանձակի Ս. Գրիգոր եկեղեցում, որտեղից էլ 1975 թ. բերվել է Ս. Էջմիածին և նվիրվել Վազգեն Ա Վեհափառին:

(1 միավոր)

12. Սուրբ Պատարագի մաս կազմող ----- պատարագը սկսվում է այն պահից, երբ հացն ու զինին բերվում են Սուրբ Սեդանի վրա, և պատարագիչ քահանայի աղոթքներով ու աստվածային զորությամբ սրբագործվում:

(1 միավոր)

*№ 13-14*

*Համապատասխանեցում պահանջող առաջադրանքներ՝ յուրաքանչյուրը 4 փաստից*

**13. Հիմնադրման տարեթիվը համապատասխանեցնել ուսումնական հաստատության անվանը. (1 միավոր)**

1. Ներսիսյան դպրոց	ա) 1838 թ.	1	
2. Սկյուտարի ճեմարան	բ) 1810 թ.	2	
3. Արմաշի դպրեվանք	գ) 1874 թ.	3	
4. Գևորգյան ճեմարան	դ) 1824 թ.	4	
	ե) 1889 թ.		

**14. Հայոց կաթողիկոսի անունը համապատասխանեցնել իրեն ժամանակակից արքայի անվանը. (1 միավոր)**

1. Հեթում I	ա. Սարգիս Ա Սևանցի	1	
2. Աբաս Բագրատունի	բ. Գրիգոր Զ Ապիրատ	2	
3. Գագիկ I Բագրատունի	գ. Գևորգ Բ Գառնեցի	3	
4. Աշոտ I Բագրատունի	դ. Կոստանդին Ա Բարձրբերդցի	4	
	ե. Անանիա Ա Մոկացի		

*№ 15-17*

*Աշխատանք սկզբնադրյալով*

15. «Ես միշտ էլ հավատացել եմ իմ ժողովրդի ոգուն: Ես գիտեմ նրա անցած ճանապարհի դառնությունները: Ես համոզված եմ նաև, որ ազգն իմ հայոց անարգ թշնամուն դեռ չի ասել իր վերջին խոսքը: Եվ խոսքն այդ պիտի լինի հաղթական»:

Ո՞ւմ արտասանած կոչից է մեջբերված հատվածը: *(1 միավոր)*

16. «Նա քաղցր եղանակով գրեց Սուրբ պատարագի քարոզը, նույն խոհականությամբ՝ շարականների տները, իր անվան տառերով երկու գանձեր՝ մեկը «Վարդավառի», մյուսը «Աստվածածնի փոխման»:

Ո՞ւմ մասին է պատմիչի խոսքը: *(1 միավոր)*

17. «Մա աշխատասեր և հայրենասեր մարդ լինելով, ... լավ էր համարում հայրենիքի համար մեռնել, քան տեսնել, թե ինչպես օտարացել ազգերը ոտնակոխ են անում իր հայրենիքի սահմանները և օտարները տիրում են իր արյունակից հարազատների վրա»:

1) Ո՞ր պատմիչն է մեջբերված հատվածի հեղինակը:

(1 միավոր)

2) Ո՞ւմ մասին է պատմիչի խոսքը:

(1 միավոր)

**№ 18-19**

**Տերմինների, հասկացությունների, պատճառահետևանքային կապերի, փաստերի իմացություն և խմբավորում պահանջող առաջադրանքներ՝ 2 ճիշտ պատասխանով**

**18. Ստորև տրված պնդումներից որո՞նք են ճիշտ.**

(2 x 1 = 2 միավոր)

ա) Հայոց եկեղեցու Արցախի թեմը վերահաստատվեց 1989 թ.:

բ) Ամենայն Հայոց Գարեգին Ա կաթողիկոսի տնօրինությամբ 1996-2001 թթ. Աստվածաշնչի ամբողջական բնագիրը գրաբարագետ մասնագետների խումբը վերածեց աշխարհաբարի:

գ) Արցախը Հայաստանին վերամիավորելու խնդրանքով Վազգեն Ա կաթողիկոսը դիմում հղեց ԽՍՀՄ ղեկավար Ի. Ստալինին:

դ) 1962 թ. Հայոց եկեղեցին դարձավ Եկեղեցիների համաշխարհային խորհրդի, այնուհետև՝ Եվրոպական եկեղեցիների համաժողովի անդամ:

ե) 1990 թ. Վազգեն Ա Վեհափառն այցելում է Վատիկան և հանդիպում Հռոմի քահանայապետ Հովհաննես Պողոս Զ պապին:

զ) 1957 թ. Վազգեն Ա-ի ջանքերի շնորհիվ Մայր Աթոռին վերադարձվեց նշանավոր ազգային բարերար Ալեք Մանուկյանի նվիրատվությամբ կառուցված Էջմիածնի հոգևոր ձեմարանի նոր մասնաշենքը:


**19. Ստորև թվարկված տոներից ո՞ր երկուսն են Տերունական.**

(2 x 1 = 2 միավոր)

ա) Թարգմանչաց տոն

բ) Սրբոց Վարդանանց տոն

գ) Աստվածածնի վերափոխման տոն

դ) Սուրբ Սարգիս

ե) Սրբոց Ղևոնդյանց տոն

զ) Խաչվերաց

է) Սրբոց Հռիփսիմյանց տոն


**№ 20**

**Շարադրանք**

(2 միավոր)

**Ներկայացրե՛ք մայրենի լեզուն որպես ազգը բնորոշող հատկանիշ և նրա գործառույթները: Ձեր կարծիքով՝ հայոց լեզուն ինչպե՞ս կարող է նպաստել «հայ» տեսակի պահպանմանը և հարատևմանը:**